

第七十四冊目錄

(同治)興國縣志

人物(一)	一
理學	
名臣	三
儒林	六
宦業	八
人物(二)	一一
忠義	
孝友	一九
文苑	二四
武略	二九
人物(三)	三一
處士	
善行	三四
寓賢	四六
仙釋	四九
方技	五一

(康熙)會昌縣志

人物志	五三
賢達	
文學	五八
孝友	五九
隱德	六一
忠節	六二
貞烈	六三
方外志	六三
仙釋	

(同治)安遠縣志

宦業	六九
儒林	七三
文苑	七五
忠義	七七
孝友	八五
善士	九一
耆壽	一〇四
女壽	一〇五
隱逸	一〇七
方技	一〇八

寓賢

(光緒)長寧縣志

明鄉賢.....一一一

清文儒.....

武畧.....一二二

義勇.....一一四

孝友.....一二二

武畧.....一二五

行道.....一二六

冠帶.....一三八

耆德.....一三九

鄉飲.....

仙釋.....六九

(乾隆)寧都縣志

賢達.....一四五

忠節.....一五七

孝友.....一六〇

文儒.....一六二

武畧.....一六四

隱逸.....一六六

類傳.....一六九

善行.....一七四

方伎.....一七七

寓賢.....一七八

仙釋.....一七九

(光緒)瑞金縣志

人物志(上).....一八三

鄉賢.....

忠烈.....一八六

孝友.....一九三

事功.....二〇三

文苑.....二一一

義行.....二二四

人物志(下).....二四六

隱逸.....

耆壽.....二四七

方伎.....二五一

方外附.....二五二

(光緒)龍南縣志

儒林.....二五五

文苑	二五六
宦績	二五八
武績	二六三
孝友	
忠義	二六六
善行	二六九
方伎	二七六
寓賢	二七七
隱逸	二七八
續忠義	二七九
續善行	二八〇
續文苑	二八二

(乾隆)石城縣志

列女	二八五
烈婦	三〇二
貞女	三〇六
旌善	
隱逸	三一六
仙釋	三一七
頤壽	三一八
方技	三一九

寓賢	三二〇
類傳	三二一

(同治)定南廳志

忠烈	三三一
義行	三三四
文苑	三五一
耆年	三五二

(民國)大庾縣志

人物	三五七
鄉賢	
文學	三七三
寓賢	三七四

(同治)南康縣志

人物	三七七
前五代宋	
後五代宋	
南唐	三七八
宋	
元	三七九

義舉.....四五三

明.....三八二

清.....三九二

善士.....三九四

(同治)廣昌縣志

人物志目錄.....四五七

理學傳.....四五九

名臣傳.....四六〇

名賢傳.....四六八

忠節傳.....四七二

死事傳.....四七五

宦業傳.....四七六

孝友傳.....四八一

篤行傳.....四八五

文學傳.....四八七

隱逸傳.....四九一

材藝傳.....四九三

勇畧傳.....四九四

義善傳.....四九四

人物志新增.....四九八

流寓志新增.....五一二

仙釋志.....五一三

人物志新增補遺.....五一六

(光緒)上猶縣志

人物志.....三九七

孝友.....四〇〇

忠義.....四一三

文苑.....四一八

才畧.....四二一

行誼.....四二二

耆壽.....四三一

義舉.....四三七

五世同堂.....四三九

仙釋.....四三九

(光緒)崇義縣志

名宦.....四四一

宦績.....四四四

文苑.....四四六

質行.....四四八

(同治)興安縣志

人物志

名臣

宦業

理學

儒林

五二一

五二二

五二六

五二七

文苑

忠義

孝友

善士

隱逸

方伎

寓賢

五二九

五三二

五三五

五三九

五四四

五四五

五四七

興國縣志卷之二十三

人物一

理學

宋

李潛字君行唐尚書邁六世孫年廿餘游學楚州處士劉師正問在此何欲曰父命應舉俟得第後歸今以莽服輟試欲就此修學待下次應舉也師正曰不然夫不可得而久者在父母之左右也潛遂歸鄉里益厲門內之行以去利欲爲主嘗謂利欲去則誠心存矣登治平四年進士歷洪州司理嘗知新淦時鹽法方行望風旨

興國縣志

卷二十三

人物
理學

一

者多峻急民間破產十居六七潛獨下令聽民便或曰無以身試法潛不爲動法亦隨罷遷太常博士定皇太妃儀制執父喪足不入私室起復入京至泗州其子弟請先往潛問其故曰科場近欲先至京師貫開封籍取應潛不許曰汝虔州人而貫開封戶籍欲求事君而先欺君可乎寧遲數年不可行也旋監泗州僧伽塔年五十餘矣篤行自守不交當世時右丞范純禮爲發運使深知之力薦於朝遷太學博士校書郎紹聖中力求去知蘄州遂請老元符三年驛召賜對管勾宗子學比國子司業蓋有陰沮之恐在要地者伊川程子問從學者

曰李君行何以復出對曰李司業承朝廷美意不得不出然且歸矣及至京師果引疾歸潛生平爲學以行己爲本不爲空言嘗語學者云吾徒學聖人當自用意看易書詩春秋論語孝經而已中心既有所主則散看諸書方圓輕重之來必爲規矩權衡所正以經書論語孟子粹量衆說其輕重等者正也其不等者不正也呂好問兄弟皆與潛游蘇轍罷知汝州潛往見之與論當世事轍恨相知之晚三子朴格相繼登進士第渾瑩渾子存皆有特望卒祀鄉賢

參省郡縣志宋呂木中童蒙訓

按志林李潛傳註云合採宋史李朴傳朱子小學今

興國縣志

卷二十三

人物
理學

二

考宋史李朴傳不載潛事小學所引蔡子弟貫開封戶籍一條本之呂氏童蒙訓不得但言出朱子小學也蔡黃二志云起復補蘄州元豐辛酉進開封尹元祐丁卯拜司空中書令卒贈開府儀同三司謚文簡與呂氏童蒙訓所載多牴牾蓋潛官校書郎力求去知蘄州遂請老事在紹聖中前此校書郎之擢由於范純禮之薦純禮爲江淮荆浙發運使在元祐初由京西轉運使入爲吏部郎中之後足知元豐四年辛酉元祐二年丁卯尚監泗州無進開封尹及拜司空中書令之事也志林本賴郡謝志刪除元豐辛酉元

祐丁卯八字但言歷官某賜諡某初疑或在元符三年驛召賜對之後然觀當時學者告程子之語則知出處之際賢者蓋壽之熟矣公歷官止於司業故當時則稱李司業而紀載其言行者必稱先生蓋不以官爲重也竊謂君行先生爲興邑理學名儒之冠就令終老布衣亦何害其賢况呂好問呂本中實與先生父子世敦交誼本中所作童蒙訓朱子嘗採入小學其言自更可信又記元祐末君行先生與楊應之學士同在京師安靜自守諸公以其不附己不甚肯進用當時議者謂楊李二公如在言路必不肯委靡

興國縣志

卷二十三

人物

三

自己縱無所益亦必極言而去觀此則知終元祐之世未經柄用更無可疑矣茲採呂氏童蒙訓參以舊志別爲此傳似於先賢言行發明較多至於文簡之諡司空中書令之官階闕疑焉可也

志蔣

李朴字先之潛子登紹聖元年進士第調臨江軍司法叅軍移西京國子監教授伊川程子獨器許之移虔州教授以嘗言隆祐太后不當廢處瑤華官事有詔推鞠忌者欲擠之死使人危言動之朴泰然無懼色旋追官勒停會赦注汀州司戶徽宗卽位翰林承旨范純禮自言待罪四十六日不聞玉音謂朴曰某事豈便於國乎

某事豈便於民乎朴曰承旨知而不言無父風也純禮泣下右司諫陳瑋薦朴有旨召對朴首言熙寧元豐以來政體屢變始出一二大臣所學不同後乃更執圓方互相排擊失今不治必至不可勝救又言今士大夫之學不求諸己而惟王氏之聽敗壞心術莫大於此願詔勿以王氏爲拘則英才輩出矣蔡京惡其鯁直他執政三擬官皆持之不下後以爲虔州教授又喉言者論朴爲元祐學術不當領師儒罷爲肇慶府四會令有奸民言邑東地產金寶立額買撲破田疇發墟墓厚賂乃已利至請罷之改承事郎知臨江軍清江縣廣東路安撫

興國縣志

卷二十三

人物

四

司主管機宜文字欽宗在東宮聞其名及卽位除著作郎半歲凡五遷至國子祭酒以疾不能至高宗卽位除祕書監趣召未至而卒年六十五贈賁文閣待制官其子孫二人朴自爲小官天下高其名蔡京將強致之俾所厚道意許以禁從朴力拒不見京怒形於色然終不害也中書侍郎馮熙載欲邂逅見朴朴笑曰不能見蔡京焉能邂逅馮熙載耶伊川程子嘗以洛中風波爲戒朴曰不意先生亦爲此言伊川改容愧謝居官所至有聲在廣南止其帥孫瑛以文具勤王不若發常賦助邊破酒使鄭良引真臘取南安之計以息邊患人稱其智

嘗自誌其墓曰以天爲心以道爲體以時爲用其可已矣蓋敘其生平云有章貢集二十卷行於世祀鄉賢志宋史本傳

宋史新編柯維騏論曰徽宗政出權奸仇視善類士之覲利者貢諛慮患者徯默習俗風靡久矣李朴貢直簡歷歷陳時弊無諱帝未嘗不嘉美乃竟厄於讒所謂善善而不能用其失國宜哉

按郡志及蔡黃二志皆刪去傳中對范承旨之語志林備錄之而於郡邑舊志所載伊川改容愧謝之語則據宋史本傳削而不錄殆以伊川大賢不可輕議

興國縣志

卷二十三

人物

五

歟竊謂伊川程子與范彝叟純禮皆先生父執於父執所言有疑正辭以對一則泣下一則改容愧謝高風古誼兩不可及似不必有所去取也君行先生嘗論論語居敬行簡以爲仲弓未以聖人之言爲然而問之而聖人以仲弓之言爲然學聖人者如仲弓可也然則先生之致疑於程范而不敢不以正對者蓋家學也呂氏童蒙訓載先生離洛時請教於程子程子告以當養浩然之氣又載先生語學者云以畢業育人才不知要作何使用今傳中皆未之及特附記於此

興國縣志

卷二十三

人物

六

又按張損持太史云李君行先生父子以純學扶其亮節當熙寧紹聖道術分歧之會利回威詘不動於中所景從契合者多涑水河南新安之徒奕世載德聯芳競爽虔州置郡千餘年惟贛之會興國之李家門風軌茂焉而郡志凡例則云虔郡惟雩都何黃諸君得統陽明足爲人物增重因他邑無可儕舉故不立理學門類竊謂理學門類誠不宜輕立近時瑞金羅有高作鄧自軒墓表云贛在萬山中文明所被者微矣周濂溪先生過化贛南未聞從遊之士有贛人焉陽明先生講學軍門而雩都始有何黃袁管四先生出生至養愚李先生乃粹然一以朱子爲宗此其持論與損持太史無異蓋皆以虔郡人物惟雩都得立理學傳也然考雩都有會唯菴諱興宗者親受業於朱子之門朱子稱其用功正當朱熹祐問雩都建立梅江書院已崇祀之興之君行先生父子既以純學扶其亮節自當仿照宋史道學傳體例序學行處宜詳今夷考其師友淵源及生平論學之語益知虔郡理學斷當以君行先生父子爲首雩都之唯菴先生次之其謂雩都而外他邑無可儕舉者過也志

名臣

唐

鍾紹京字可大清德鄉人唐時縣未分爲贛人魏太傅

繇十五世孫母夢流光入口而生有當門雙齒甫數齡

卽知孝得瓜果先進二親長工書法號小鍾初爲司農

錄事尚書裴行儉薦直鳳閣景龍中爲官苑總監會韋

庶人之難臨淄王隆基與紹京洎故朝臣尉劉幽求衛

尉卿薛崇牀利仁府折衝麻嗣宗等定策討之臨淄王

日晡微服與幽求等入苑中會紹京廨舍逮夜天星散

落如雪幽求曰天意若此時不可失於是萬騎果毅葛

福順李仙龜屯元武門斬左羽林將軍韋播中郎將高

輿國縣志 卷二十三 人物 七

嵩以殉臨淄王遂與幽求等出苑南門紹京帥戶奴丁

夫二百餘人以從斧闕而入帥總監及羽林兵至太極

殿斬韋后分捕支黨盡誅之夜拜紹京中書侍郎參知

機務明日進中書令越國公實封五百戶賚賜與幽求

等後睿宗用薛稷謀改戶部尚書出爲彭州刺史元宗

卽位復拜戶部尚書改太子詹事或告紹京等怨望下

紫微省按問紫微令姚崇言紹京等皆功臣乍就閑職

微有沮喪下獄非宜乃貶果州刺史又貶懷恩尉再遷

温州別駕後入朝見帝惻然卽日授太子右諭德入

之遷少詹事年踰八十卒德宗建中初錄武德以來宰

相功臣勲名特高者差爲二等追贈紹京太子太傅宣

宗太中初繪像續圖凌煙閣將相功臣紹京與焉祀鄉

賢三子嘉璧晉州長史嘉琬太子典膳郎山陰縣公嘉

璋左領軍衛長史

按志林據新唐書本傳元宗本紀韋后傳通志府志

縣志人物傳又採唐書忠義傳合錄之孔志復稍加

增刪今兩存之

宋

李謙字和卿朴從孫少承家學淳熙間舉進士爲安福

縣尉嘗獲盜不願酬賞班次累官太常寺丞提舉浙東

輿國縣志 卷二十三 人物 八

值歲饑賑濟有方遷左司郎中再遷左司諫光寧間上

封事義氣激烈趙汝愚讀之曰臺諫手也呂祖謙以直

節被竄安置韶州謙獨餞之贈以詩忤韓侂胄罷歸築

圓雲峯號白雲居士祀鄉賢有文集四十卷

胡希章北隅人嘉泰壬戌進士授起居舍人景定甲子

上疏言天變請黜賈似道謫荆門令後以葉夢鼎薦守

建康沿江制置副使賑饑修學選將練兵以恢復中原

爲己任咸淳庚午疏請兵援襄陽不許尋以疾致仕

明 呂復字仲善號易憲南隅人洪武初朱濂劉基以文學

交薦徵爲國子典膳時修元史闕順帝三十六年事無
考遣使十一人乘驛分行天下凡詔令章疏拜罷奏請
布在方冊者悉輯之或涉番書則譯而成文若乘輿巡
幸宮中隱諱時政善否民俗歌謠以至忠孝賊亂災祥
之屬或見之野史碑碣家集中莫不諂訪刻期還報復
被命以八月適北平十一月奏進轉而之山東明年三
月奏進時河水方凍大雪深二三尺駕牛車遵陸而行
呼吸間冰生於髻夙夜馳驅搜採詳核所集之書北平
帙八十山東四十摩挲碑文北平四百通山東百通以
高麗翠紙爲之衣借行中書官印識之洪武三年八月
與國縣志

卷二十三

人物

九

開局故國子監四年六月纂修書成賜金及高麗繭紙
以功遷太常典簿尋爲永遣祭鳳陽皇陵中都大厲奉
命校定郊社宗廟燕饗四禮朝祭冠婚四儀制度遷豆
禮樂纂紀成編進禮樂圖稱旨拜中奉大夫太常卿歷
官中外二十餘年乞休歸里卒諡文恭祀鄉賢復淹雅
藻拔所與遊皆當代名儒其以采史使也趙汴胡翰李
克正皆贈以詩宋濂爲之序又銘其所賜繭紙而答祿
與權跋之與泰和陳謨廬陵吳師魯爲詩酒唱酬所居
營邱山房一時名士題咏甚夥

宋濂序
蔡志林

張尚瑗曰李宣國初進元史表云上自太祖下迄宣

宗據十三朝寶錄成書元統以後載籍靡存已遣使
而旁求俟續編而上進宋文憲公錄目後記續進之
書紀十志五表二傳三十有六凡前書所未備頗補
完之呂司丞奉詔采史正其事也史稱二月續修七
月成書呂序則謂八月開局至來年六月而成皆景
濂一人之言不知何以互異今世但知王宋之總裁
趙璘等十六人十五人之後先分纂庸詎知周爰諮
諫更有十一人爲適野之裨諝乎仲善有副本采史
目錄藏於家使其書存庚申君之軼事厄言必更多
可考而湮沒無一留遺者予從金華集海桑集列朝
與國縣志

卷二十三

人物

十

詩集招撫接採得其詩文因以識仲善之爲人爲傳
以登之邑乘之名臣又若爲呂氏采史者已
國朝
王思軾字坡仙一字眉長清德鄉澄塘人父鼎相以孝
行著別有傳思軾甫四歲童心神悟至性天成書過目
不忘年十六補弟子員敦孝友父兄前恂恂惟謹康熙
戊午膺鄉薦壬戌成進士選翰林院庶吉士授檢討丁
卯典試順天所拔多知名士歷陞日講起居注侍講侍
讀學士壬午主試山東特疏奏請闕官卷以廣民額晉
通政使司轉內閣學士充經筵日講陞禮部侍郎奉

命接浙省科場及勞西師俱敬慎盡職江西巡撫自公
漢以鄉試中額不常多遺佳卷欲著為定額值思輒自
浙歸與之議適合因入奏得如浙江名數德清蔡宗伯
疏請士子准納粟入庠為生員思輒力持不可事遂寢
年七十乞休歸

寵賜優渥輦下公卿贈以詩成帙掛帆南下止書籍盈
篋而已養病數歲每朔望必朝服叩

闕所著有大雅堂集同治四年中丞沈公葆楨奏請

准入祀鄉賢

蔡邵縣志

儒林

興國縣志

卷二十三

人物

十一

宋

李格字正之潛子篤行博學克肖其父登元豐己未進
士紹聖中知江甯府上元縣歷仕殿中侍御史煥章閣
待制尋以病不起學士大夫惜之

參諸志邑本中童蒙訓

李楫字濟之與兄朴同登紹聖甲戌進士官翰林承旨
兄弟克恢家緒學殖淵富清風峻節表豎當時

蔡志

按舊志李潛三子曰朴格楫呂氏童蒙訓則以格為
朴兄與家譜所載不同未知孰是

蔣志

明

謝魁字文杓北隅人沈潛嗜學從王文成公守仁遊深

所器重時軍務旁午有謁者嘗曰先與文杓語來選入
南雍歐陽祭酒德命二子師之授虞城令築堤禦水為
民利賴收樂昌葦年乞歸卒著有南雍語錄祀樂昌名
宦子稼亦淹貫經史有聲士林

蔡志林

蕭珏字貴登東隅人性孝友天資英邁書過目輒成誦
以古人自期嘗從吉水羅文恭洪先學究心宗旨務在
力行縣令海忠介瑞少所許可獨推重珏貽詩有雲根
結社之句因自號雲山居士超然物外邑中有義舉必
倡首為之後令盧晉踵請賓席子魁作縣有聲

蔡志林

國朝

興國縣志

卷二十三

人物

十二

王鼎相字梅巖父貴卿明天啟中官建寧教諭生鼎相
於官廨及就傳書經目不忘甫踰十齡郡試冠童子軍
督學使侯峒曾以其幼疑之更於他邑再試乃大奇之
順治甲午由恩貢就試京師家宰杜立德重其名特邀
相見曰陳無已張無垢之流也當謁選舍之而歸家世
受易既里居潛精體玩以傳義折衷諸家博綜史事上
下其是非成敗之蹟著易經集解史斷各若干卷雪園
詩稿一卷自號漱泉性至孝初喪父及母李而生母劉
尚無恙經兵亂士大夫葬養多不如禮鼎相獨破產為
之不肯苟一夕冠至家人走登樓母以年老不及登鼎

相從數仞樓躍而下掖母適母以他救免鼎相亦無恙
母已歿厝處去寇尤近邨中夜數驚鼎相伏柩側哀號
不去寇兄之相誠不犯後以子思賦貴屢封如其官先
是其父嘗藏千金地穴中爲鄰所賊攫之去鼎相知而
不言子貴益務謙厚有犯者輒不較卒祀鄉賢

衆郡志
志林

興國縣志

卷二十三

人物

三

者不憚諱復指畫自少時應舉專治易遂獨遠於易自
周邵程朱而下旁及元明易學諸家凡篋衍所蓄無不
薈萃手鈔積至四五十萬言著河洛先天圖說多先儒
所未發卒年八十有五

衆郡志
志林

按天真學行載江西通志贛郡方志不爲立傳殆偶
遺之歟今考志林載天真河洛先天圖說云圖書皆
以五爲中官此中卽未發之中五卽建用皇極之五
通書之無極太極皆此中也或曰河圖中五與天五
生土之五有以異乎曰繫辭傳曰樂天知命故不憂
安士敦仁故能愛此天乃人心之天非形氣之天也

興國縣志

卷二十三

人物

十四

士乃人心之土豈形氣之土哉五聲還相爲宮一聲
各具五聲五聲各自爲中而官亦居五聲之一如甘
之受和白之受采所云至樂無聲者卽存焉王中心
無爲也以守至正王位乎中而心復位乎王之中無
爲則無不爲至正則無不正此一段至精至粹後人
搜輯遺文雜取天真生平隨手劄記之語統名河洛
先天圖說分爲上下二卷閱者遂謂果出天真之手
是亦未深考耳昌黎有言莫爲之後雖盛弗傳志林
所錄雖止一條然已足以傳故附錄之以存其真

蕭朗舉號炯齋赤墘人嘉慶十年成進士選庶常生平

性敦孝友學宗程朱凡先儒語錄及古人格言有益身
心者輒手繕錄選古今詩文亦必擇持論正大者以裨
風化端立心道光四年知縣蔣敘倫聘修縣志悉心集
訪斷制謹嚴前後主瀛溪道南講席因親老不復應他
邑聘至講澈江書院逾二十年後學多賴成就著有安
易堂稿行世

衆郡志

按郡志列先生於文苑今考其言行著作藹然有儒
者氣象外如纂輯持志編小學韻言醒心文鈔邵子
詩鈔呂子語錄鄧自軒遺集皆足以闡發聖學因改
列儒林以昭實行

宦業

唐

李邁字彥超衣錦鄉人登咸通癸未進士縣志作性正

直會以宦官為館驛使臺諫爭之不從即抱憤南旋同

年劉承先語曰君負才略宜從容得位以圖肅清何嫉

邪之亟耶後從安南節度高駢討平李涿餘黨賜金紫

晉秩光祿大夫乾符中詔從招討便會元楷追斬王仙

芝拜兵部尚書乞致仕歸宋進士潛渾皆六世孫郡志

宋

李渾字公初潛之弟以文學行誼著於時登嘉祐辛丑

興國縣志卷二十三 人物 宦業 五

進士為南安司理有治聲司馬文正公光為秘書省

校書郎同館雅推重之卒南安見祀南安名宦蔡志

明

朱仲恭竹壩人貢生福建清流知縣當元季寇亂集流

亡課農桑修學校政事卓然可觀見八閩通志職志

劉廣字若深西隅山下人景泰間以歲貢授內邱知縣

丁艱服闋補陽山勤政恤民邑初無城峒寇時擾廣拓

地量工版築具舉一時雉堞巍然地方賴以保障都御

史葉盛上其最未及擢用卒於官參鄉志

李迪字循道東隅人景泰天順間以鄉貢知開州修城

池興學校增廣學基地二百畝有奇御史甘澤為之碑

在任多年拯救饑荒招撫流徙蓋種種有惠政云郡志

鍾胃字士魁北隅人舉景泰丙子鄉試己卯知山東

潯州饒有幹局而操持甚峻以愛歸囊無餘積補知沅

州卒縣志

胡濟字汝舟北隅二里人貢生初授澧州同知採木有

功丁內艱服闋補壽州清謹獨持察友敬憚歲饑嘗出

俸以飼餓者秋滿告歸終養以禮義自守族戚咸畏服

之壽九十餘歿祀鄉賢縣志

李朝字廷臣迪子宏治丙辰貢生性溫直儉樸為湘鄉

興國縣志卷二十三 人物 宦業 六

丞不私故舊不畏權勢縣督賦有常例卻不受攝安化

篆他盜侵公帑疑程藝者當道欲重寘之法朝廉得其

寃狀力為辨白得免居官八年告歸娛心經史咸稱直

夫先生縣志

李揆字文教朝長子正德戊寅歲貢授齊東令邑中科

目久缺揆至視其學官不利卜地移之越二年第者三

人以惠歸後補三水興甯所至皆有德政參鄉志

胡咸富字惟謙北隅人為諸生有名貢入南雍甚為大

司成余文敏公同麓所賞識已謁選除丞長洲清操刻

勵政府有止飲吳江水之褒以景遷慈利令其操不改

海忠介公瑞嘗貽書云吾友居官如此真能不負所學矣蔡志林

呂臺字子瞻東隅人嘉靖己丑歲貢授溫州府判永嘉令伍某人誣以墨直指按部屬臺逮之臺曰彼少年甫第寧有此廉鞠果得其誣後伍竟得顯仕臺尋丁艱歸

服闋補南陽府視察裕州以廉介稱卒於官蔡志林

王誦字均文北隅人嘉靖壬辰選貢任蘄州同知服闋

補東平遷鄖陽行都司經歷綜理太和山大工加五品服俸宦遊十數年歸里無餘貲卒之日猶手持綱目正襟危坐而逝盧令東喙銘其墓蔡志

興國縣志

卷二十三

人物

七

謝宗文藍田西上人萬歷壬辰選貢爲崇德縣丞以慈愛廉平稱致政歸浙士贈其行有一官清擬語溪水平

畝歸鋤古澌雲之句子桂芳以孝友著聞蔡志

歐陽暎字瑞州西隅縣前人萬歷丁丑選貢任安慶府

判爲政清敏不務苛刻郡有歐青天之謠蒞任三載卒

於官學士習豫南銘其墓蔡志

蕭魁字希解珏子事繼母以孝聞弱冠食餼萬歷丁丑

序應貢有友人親老固遜之督學王公額其門曰敦讓

高風己卯膺選貢銓廣西遷江知縣尋丁艱服闋補四

川璧山惠政淪洽士民歌呼當道方交薦其賢遠移疾

乞歸杜跡公庭婚喪一準家禮鄉人聞風多所興起蔡志

劉得由字汝及慎中次子萬歷丁酉貢任歙縣丞修河

西橋告成通縣水灾府委收殮漂溺者多捐貲買棺賑其貧乏邑民頌德蔡志

蕭得宗字景會魁仲子邑諸生萬歷丙午准貢補國學

丁巳授橫州判官署州篆捐俸賑饑施藥療衆改修學

宮延聘經師士民戴德蔡志

鍾鳴亨屋山里人磬裔孫任四川都司經歷署丹稜縣

事發倉賑饑作興學校修舉廢墜善政流洽士民有去

後思遷審理以例加授趙府長史侍講幼主剔蠹防奸

興國縣志

卷二十三

人物

七

兩臺交薦進正四品服俸蔡志

國朝

呂大夏字希宣明太常卿復十世孫幼敏悟書過目成

誦年十三冠童子軍旋食餼康熙甲子膺鄉薦留意民

事邑關稅濫徵米穀大夏力呈上官裁革授直隸樂城

令設義學捐俸掘井灌田民賴之曰呂公井暮年解組

歸里常與張令尚環唱和著有可園詩集四卷孔志

鍾人文字經天號質存榔木人乾隆庚申拔貢由教習

期滿授湖南寧遠令勸課農桑訓民興行公餘作課藝

爲書院諸生程式關中楊鸞爲之序調知桑植纂輯邑

志考核精詳桑植山多田少嘗苦旱暵教民築塘置備水車民遂永享其利去任後起復補安徽蕪湖令卒於

官蔣志

鄭培字升秀朝選子舉貢授饒州府學訓導新文廟修禮器整頓士習秦觀察承恩延主芝陽書院講席課士有方觀察愈引重加禮貌焉乾隆三十二年奉檄分勘水災培所勘獨稱平他委員多假手胥吏民苦不均郡守廉知之命培覆勘多所更正冬月復奉檄督修圩隄工竣民忘其勞各立木主於鄉之社歲時祀之蔣志

謝鶴翎號雪香鳳岡人道光癸未進士授戶部主事歷

興國縣志

卷二十三

人物

十九

陞郎中供職二十餘年小心謹慎咸豐元年補湖南寶慶知府值軍興上憲委辦糧臺旋調任常德歷承順永順地界苗疆民多悍獷鶴翎為除陋規清漕弊在任朞月頒聲載道嗣陞岳常澧道民攀轅遮留不得焚香送之及抵道任撫綏罷散自是民感激盡力所屬地方賊不敢犯乞病歸里主講澱江書院六年邑後學從遊日

眾同治三年卒新增



興國縣志卷之二十四

人物二

忠義

宋

鍾紹安北隅二里人嘉熙戊戌進士銓分官主簿有政績遷上杭令宋末從文天祥起義勤王死祀鄉賢

郡志

按紹安爲興邑人物忠義之冠志林載宋忠節十二人皆從信國開府興邑者但言紹安祀邑鄉賢不及死難之事贛郡謝志科目表則云從文丞相勤王奏功誥旌之黃志亦止言從文天祥起義勤王奉詔嘉

興國縣志

卷二十四

人物
忠義

一

獎孔志增死難二字又云咸淳二年詔書嘉獎忠節未知何據考鍾氏族譜天祥抵興國紹安散家財召募里中義兵八百餘人應之詔書嘉獎事當在景炎二年其非咸淳二年明矣語又載信國被執後紹安欲自刎僕力救止返里謝絕人事祥興二年卒其以忠獲褒而實未死難亦明矣今從贛郡方志而附識其散家財召募義兵事於此

蔣志

鄒嶧官奉御與文丞相天祥募義勤王營寨於衣錦鄉團大坑山累石爲墉門隘三層去縣百二十里未幾爲元兵所敗執之北去後人名其地爲鄒公寨

蔡貞志
志林

按損持太史云嶧之名宋史及督府忠義傳皆不載蔡黃二志闕焉然袁廣文天麒鄒公寨記事皆據實

必當有考姑附於末蓋已附於信國起義十一人之末復附於贛郡志忠節傳之末而終不敢以嶧爲非興國人也方志削之抑已過矣今據謝方伯郡志及志林所錄補爲此傳後人覽此知信國之志回天命而氣感風雷邑中同矢忠義者自鍾紹安而外復大有人是亦可矣亦何必以蔡黃二志之失載輒疑鄒嶧或即鄒瀕耶考鍾氏家譜載紹安與鄒嶧等遇李恆戰於表湖同敗北復與信國會同至空坑欲就鄒

興國縣志

卷二十四

人物
忠義

二

瀕於永豐嶧與瀕爲二人明矣

又按孔志云從信國起兵死節者鄒瀕趙時賞輩信劉子俊陳子敬張抃杜濟蕭資劉伯文張日中鄒嶧皆非本邑人史傳各詳志之概不登載今考志林明言嶧名爲史傳所不載如鄒瀕劉伯文皆吉水人趙時賞和州人輩信安豐人劉子俊廬陵人陳子敬贛縣人張抃蜀人杜濟天台人張日中南城人惟蕭資鄒嶧皆不知何處人資兵敗之後死於潮陽嶧有屯兵遺蹟袁廣文爲之記故贛郡志忠節傳陳子敬之後卽錄鄒嶧蓋陳係贛人鄒或係興國人但不敢質

言之故曰姑附於末也

明

丁傑縣丞昂子昂歿於官無留貲喪不得舉因占籍焉
正統十三年用儒士薦為本邑訓導奉府檄署龍南縣
學事率諸生講學於堂流寇猝至伴厲聲拔刀以威之
傑端坐不動曰士可殺不可辱吾方以聖賢之所教教
人豈肯為汝屈耶賊怒遂兵之泰和曾琮為之傳蔡志
鍾迪海為縣堯庫吏正德五年流寇入城將劫庫藏迪
海先匿之賊至無所得執迪海榜掠百端終不言賊怒
立斬之蔡志

輿國縣志

卷二十四

人物

三

蔡鍾有曰仗節死義之臣代不數見求之胥吏之微
抑又難矣正德之變署縣者脫身逃以城委賊賴迪
海而國帑獲全後四十年嘉靖辛酉寇禍遂公私靡
有子遺豈非風聲不樹而人不知死義之所致耶書
此為之三慨

李田字見龍東隅人崇禎癸未以歲貢為泰和教諭遷
廣東長樂知縣有土賊為民害久前令視撲滅為難相
率因循田初蒞事遽請於上僚以官兵進勦兵遲久未
至奸民與賊通者漏言焉賊先發攻城城中無兵田被
獲曰寧殺吾一人無濫及無辜赤子田有僕願代死賊

不聽而殺田田刺血題詩云有生皆有死身死何足惜

只會一卷書何堪萬人敵體虧親受辱名殞節自殛寄

語千秋史為予顯心迹田在官刻意拊摩百姓愛戴倉

猝中民爭護其家屬以免復襄助資給得歸蔡志

蕭廷上邑諸生丙戌七月萬元吉第六言以廣西狼兵

援贛廷上與諸生彭玉生潘得先等率社兵百餘人迎

之未至城六十里舟被焚廷上戰死林志

謝武烈北二里人由武舉為贛州府武學教授陞御營

都司丙戌十月城破被殺四子同日并命林志

鍾昌明邑諸生與社兵之選丙戌八月從總督中軍曹

輿國縣志

卷二十四

人物

四

志建帥偏師出南門禦戰兵敗俱死林志

曾聯甲字贊璣以武力稱寧都會給事應遼糾兵援贛

以聯甲自隨後死於信豐林志

廖任隆字凝和廖宏志字蓋臣廖日閑字威抑同族兄

弟行皆邑之諸生也從寧都會某聚鄉兵謀取雩都戰

於壇石被執戮於市死之日凝和有妹往哭凝和笑叱

之慷慨就刃林志

曾國鼎字泰元邑諸生甲申流寇陷京師北面痛哭追

後郡將至令雍髮易服不屈遂見殺蔣志

鍾啟岫號伯平乙巳二甲一名進士翰林院侍講上